

ՀԱՇՎԵՏՎՈՒԹՅՈՒՆ

2025 թվականի երկրորդ կիսամյակին մարզպետի աշխատակազմի գյուղատնտեսության և շրջակա միջավայրի պահպանության վարչության կողմից կատարված աշխատանքների վերաբերյալ

Երկրորդ կիսամյակի ընթացքում մարզում արտադրվել է՝
հացահատիկ և հատիկաընդեղեն մշակաբույսեր 2163 տոննա
բանջար բոստանային մշակաբույսեր - 1900 տոննա
կարտոֆիլ - 517 տոննա
կերային մշակաբույսեր - 15000 տոննա
պտուղ - 3500 տոննա
խաղող - 5300 տոննա

Արենիի համայնքապետարանում կազմակերպվել է հանդիպում – քննարկում խաղող արտադրողների և մթերող կազմակերպությունների հետ՝ խաղողի մթերման գործընթացը անցնցում կազմակերպելու համար: Քննարկվել են Արենի սորտի խաղողի հետ կապված հարցեր:

Արտադրվել է 5588,6 տոննա խաղող, որից 4006.8 տոննա մթերվել է: ՀՀ կառավարության կողմից կատարվել է Արենի տեսակի խաղողի մթերման սուբսիդավորում՝ 1կգ-ի համար 70 դրամով : 1581.8 տոննա խաղող օգտագործվել է սեփական կարիքների համար:

Հայաստանի Հանրապետության կառավարության 2025 թ. մարտի 27-ի N 356-L որոշմամբ հաստատված «Բուսաբուծության աջակցության 2025 թվականի» ծրագրի շրջանակներում՝ 140 շահառու կատարել է 270,39 հա հացահատիկային և կերային մշակաբույսերի ցանք: Կառավարության կողմից սուբսիդավորվել է 20 549 000 ՀՀ դրամ:

Նույն ծրագրով 157 շահառուներ կատարել են աշնանացան հացահատիկային մշակաբույսերի 266.2 հա ցանք, կառավարության կողմից կսուբսիդավորվի 21 296 320 ՀՀ դրամ գումար:

Վարչության անմիջական վերահսկողությամբ անասնաբուժական ծառայությունների կողմից պետ. պատվերով նախատեսված անասնաբուժական ախտորոշիչ և կանխարգելիչ միջոցառումները իրականացվել են պատշաճ կերպով:
Վարակիչ հիվանդություններ չեն հայտնաբերվել:

Վարչության կողմից բնակավայրերում ուսումնասիրվել և գնահատվել է արտակարգ իրավիճակների հետևանքով ֆիզիկական և իրավաբանական անձանց հասցված վնասների չափը.

- Վայրի և գիշատիչ կենդանիների, մասնավորապես արջի կողմից մարզի համայնքներում և բնակավայրերում հասցված վնասի չափը 30.06.2025թ դրությամբ կազմել է մոտ 7 910 000 ՀՀ դրամ:
- Բույսերի պաշտպանության ծրագրով մարզին անվճար տրամադրվել է 69,6լ «Բրոմոցիդ ֆլյուիդ» մկնասպան թունանյութը, որը բաշխվել է մարզի Եղեգնաձոր, Արենի, Եղեգիս, Վայք և Զերմուկ համայնքներին՝ 870 հեկտար վարակված վարելահողերի վրա կրծողների դեմ քիմիական պայքար կազմակերպելու համար:
- **Ոռոգման սեզոնին <<Եղեգնաձոր>> ԶՕ ընկերության կողմից ջրտուքը կազմել** 11 235 200մ³, հասույթը կազմել է 123 587 660 ՀՀ դրամ, գանձվել է 126 734 300 ՀՀ դրամ կամ 102.5% :

Իրականացվել է մարզի ոռոգման համակարգի մոնիթորինգ:

Հիմնական պատկերը հետևյալն է.

1. Եղեգնաձոր համայնք

Եղեգնաձոր համայնքի բնակավայրերում առկա է ոռոգման ջրի բավարար քանակություն, բացառությամբ Մալիշկա բնակավայրի որոշ հանդամասերում:

2. Վայք համայնք

Ք. Վայք – Գերեզմանոցի հարակից թաղամասում ոռոգման ջուր չկա, տնամերձ հողամասերը ժամանակավորապես ոռոգվում են խմելու ջրով, որը թույլատրվել է մինչև 2025 թվականի վերջը:

Ազատեկ, Փոռ, Զեդեա բնակավայրերի ոռոգման ջրագծերը գտնվում են ծայրահեղ վատ վիճակում, ջրի կորուստը կազմում է 30-40%: Զրագծերը ֆիզիկապես և բարոյապես մաշված են (1970-1975թթ):

Վայք համայնքի մնացած 13 բնակավայրերում անխափան մատակարարվել է ոռոգման ջուր :

ՀՀ տարածքային կառավարման և ենթակառուցվածքների նախարարություն է ներկայացվել պաշտոնական գրությամբ՝ տրամադրել 570-600մլն. ՀՀ դրամ՝ խնդրահարույց ջրագծերի վերանորոգման և վերակառուցման աշխատանքների համար:

3. Արենի համայնք

Արենի , Արփի, Ռինդ, Չիվա, Ելփին, Խաչիկ, Աղավնաձոր բնակավայրերի հողատարածքները ոռոգվում են «Խանջյանի առվով» :

ՓՀԷԿ-երի անկանոն աշխատանքների պատճառով, ջուրը տրամադրվում է ընդհատումներով:

Համայնքի մնացած 2 բնակավայրերում ոռոգման ջուրը բավարար է:

4. Եղեգիս համայնք

Համայնքի բնակավայրերում կա բավարար քանակի ոռոգման ջուր, սակայն ջրատարերը հիմնականում հողաթմբային են և ունեն ոռոգման ջրի մեծ կորուստ:

Եղեգիս համայնքը ընդգրկցած չէ ջրօգտագործողների ընկերության համակարգում:

5. Ջերմուկ համայնք

Ջերմուկ համայնքի բնակավայրերում տրամադրվել է ոռոգման ջրի բավարար քանակություն:

Այցելություններ ենք կատարել Արենի, Եղեգիս և մասնակի Եղեգնաձոր, Վայք համայնքների բնակավայրեր, քննարկվել են գյուղատնտեսության ոլորտի վերաբերյալ բոլոր հիմնախնդիրները, ներկայացվել են գյուղատնտեսության պետական օժանդակության 13 ծրագրերի վերաբերյալ տեղեկատվություն:

ԲՆԱՊԱՀՊԱՆՈՒԹՅՈՒՆ

Սիգի ձվադրման ժամանակահատվածում (2025թ նոյեմբերի 21-ից 2026թ. փետրվարի 1-ը) իրականացվող համատեղ միջոցառումների շրջանակներում սիգի ապօրինի տեղափոխումը և վաճառքը կանխելու նպատակով կատարվել են համատեղ և անհատական շրջայցեր և 10-օրյա պարբերականությամբ կատարված աշխատանքների վերաբերյալ հաշվետվություն ներկայացրել ՀՀ տարածքային կառավարման և ենթակառուցվածքների նախարարություն, աշխատանքներն ընթացքի մեջ են:

Այցելություններ ենք կազմակերպել Եղեգնաձոր և Եղեգիս համայնքների Գետափ և Քարագլուխ բնակավայրեր՝ կրթահամալիրների կառուցման տարածքներում կատարվել է ՇՄԱԳ փորձաքննություն:

ՀՀ Վայոց ձորի մարզպետի հանձնարարությամբ ուսումնասիրվել է մարզում հանքարդյունաբերությամբ զբաղվող սյուբեկտների գործունեությունը, անց է կացվել ՇՄԱԳ փորձաքննություն:

Ցանկում ընդգրկված են եղել 15 հանքարդյունաբերող՝ որոնք զբաղվում են հետևյալ գործունեությամբ՝ քվարցիտների, քարերի, հրաբխային ավազի, ավազակոպճային խառնուրդի, ինչպես նաև բազմամետաղ հանքարդյունաբերությամբ (ՋԻԷՆԷ Գոլդ Մայնինգ ՍՊԸ՝ Զառիթափ բնակավայր, Սոֆի բինա ոսկու հանքարդյունաբերություն):

Ուսումնասիրությունների արդյունքները ներկայացվել են մարզպետի տեղակալին և գլխավոր քարտուղարին:

Մասնակցել ենք նաև Վայք համայնքի Զառիթափ և Ազատեկ բնակավայրերում <<Վայք գոլդ ռիսորսիս>> ՍՊԸ-ի կողմից ներկայացված Վայք համայնքի Ազատեկի ոսկի-բազմամետաղային հանքավայրի վերագնահատողական երկրաբանահետախուզական աշխատանքների իրականացման վերաբերյալ հանրային քննարկումներին:

Վայրի բնության և մշակութային արժեքների պահպանման հիմնադրամը (FPWC) Վայոց Ձորի մարզի Եղեգիս համայնքում իրականացրել է "Մեղմելով կլիմայի փոփոխությամբ պայմանավորված մարդ-վայրի կենդանի ահագնացող կոնֆլիկտը Հայաստանում" ծրագիրը, որին 150 մասնակիցներից, 30 մասնակցի տրամադրվել է 500 000 ական դրամի չափով մեղվաընտանիքներ և մեղվապահական գույք:

Վայրի բնության և մշակութային արժեքների պահպանման հիմնադրամը նվիրատվության հիմունքով Եղեգիս համայնքին տրամադրել է 15 է.հովիվ: Ծրագրի մեջ ներառված են 51 շահառուներ՝ 18 հա տնամերձ հողամաս:

Բնապահպանական կազմակերպության կողմից 2025 թվականին հիմնվել է 40 հա վայրի կաղնու, նշենու, տանձենու և խնձրենու ծառատեսակներ:

Գյուղատնտեսության և շրջակա միջավայրի պահպանության վարչության

պետ՝ Գեղամ Մարգարյան